

SEGUNDA CARTA DEL APÓSTOL SAN PEDRO

Pedro escribe a los creyentes

¹ Yu Simón Pedro mujaare yu queti joo. Jesucristo cu paabojari majocu yu ã, cu ye quetire cu cabuio rotiricu aniri. Ati puuro mujaare yu queti joo järe bairona Jesucristore caapi nucubugorãre. Cariape áami Dio. Jesucristo to bairona caroau ámi. Marire canetoo catiou ámi. To bairi cure caroaro marire cátibojauure muja tugooña ocabutí muja quena.

² Caroaro mujaare yu ñuu roti. Caroaro mujaare cu joato Dio, cu cänieri e muja camajinemo uuja áato tujuri. Mari Upau Jesu cu cänieri quenare muja camajinemo uuja áato tujuri caroa ani wariñuuri que unie quenare mujaare cu joato.

Cualidades del cristiano

³ Caroau majuu ámi Jesu. Camaja nipetiro Jeshire caroaro cu cañ nucubugoparã áma. Marire cabejeyupi, cure camajiparãre, cu yarã cäniparãre. To bairi cu catutuarijere mari joomi caroare mari cátí majipere, cure mari cátí nucubugoparore bairo ii. To bairi cure camajirã aniri, cu yarã aniri caroare mari áti majigarã.

⁴ Caroau majuu aniri, “Caroare capee mujaare yu átibojagu,” cañupi. “Ati yepa macana yure canucubugoquenare bairo muja áti aniquetio joroque mujaare yu átibojagu. Na maca roorije na catugooñarije jetore átinucuma. Nare bairo muja

aniquetigarā. Yure bairo cāna maca na āmaro ūi mūjaare yu átibojagu," marire caī cūñupi Dio. Caroa majuu marire caī cūñupi. To bairo marire cū caī cūricarore bairona marire cátibojayupi, cū cānie cūtajere marire jou.

5 To bairi mūjaare Dio cū cátibojape quenare tūgooña ocabutiya. Cū tūgooña ocabutiri caroa jeto átajecuja. Dio yere cariape api majiñā.

6 Cariape api majiri mūja majuuna caroorije mūja cátiborijere áti ujaquēja. To bairo rooro mūja cátiborije áti ujaquēnana Jesucristo yere apiujacōa aninucuña. Cū yere apiujacōa aninucuri Dio cū cānie cūtajere bairo mūja anigarā.

7 To bairo aniri aperāre na mairi na átinemoña.

8 To bairo cabairā ani uja majirā caroaro mūja ani ocabutigarā. Jesu cū caboorijere mūja áti majigarā. To bairo mūja cabaiquēpata maca jocarāna, "Mari Upau Jesucristore caapiujarā jā ã," mūja ñborā.

9 To bairo caroaro cabaiquēna caroaro Dio yere camajiquēna ãma. Caroorije na cátajere Dio na cū camajiritio bojabatajere tūgooñaquēnama.

10 Yu yarā, Dio cū cabejerifarā mūja ã mūja quena. To bairi cū yarā aniri caroaro áti ocabutiya mūja quena. Jesucristo yere seeto tūgooña ocabutiya. Seeto tūgooña ocabutiri atie mūjaare yu caī buiori wamere bairona áticōa aninucuña. To bairo mūja cáticōa aninucuata cū mena macana mūja anicōa anigarā. Rooro cátinucurā mūja aniquetigarā.

11 To bairi mari Upau Jesucristo marire canetoo catoricu tūpu mūja ejagarā mūja quena. Cariape

ch yarã mhja cãno maca ch mena mhja anicõa aninucu rotigmmi.

12 Atie mhjaare yh cañrije mere mhja majirã bairã pua. Atiere majiri caroaro mhja átinucu Dio yere mhja caapiriquere. To bairo mhja cátinucurije to anibao joroquena mhjaare yh buionemonucu, tiere na majiritiqueticoato ñi.

13-14 Petoacã ruja yh cabai yajiparo jugoye. Mari ɻpau Jesucristo yucuacãna yh cabai yajipe yure buio majiotugawí. To bairi yh cacatiri rumuri cãno cõo caroaro mhjaare yh queti buionemogu atie, caroare mhja cátí aninucupere, caroaro na majiato ñi.

15 To bairi caroaro atiere yh uca, yh cabai ya-jiro beropu to bairo quena yh cañ buioriquere na tugooña majiato ñi. To bairi mhja majicõa anigarã nairoacã mhjaare yh cañ buioriquere yua.

Los que vieron la grandeza de Cristo

16 Mere mhjaare jã cañ buiowu mari ɻpau Jesucristo ch catutuarije majuure. Ch catunu atípe quenare mhjaare jã cañ buiowu. Mhjaare buiorã aperã na majuuna na catugooñari wame meere mhjaare jã cañ buiowu. Ítorique meere mhjaare jã caqueti buiowu. Jã majuuna jã catujwu Jesu caroaro majuu ch cãniectiere. Ch caaji baterije quenare ñtau bui Dio ch caejaricpu jã catujwu. To bairi caroaro cariape majuu mhjaare jã caqueti buiowu.

17-18 Topu mari Pacu Dio jã caiñoowí ch Macu Jesu caroaro ch cãniectiere. Ch caaji baterije quenare jã caiñoowí. “Ani yh Macu, yh camaii majuu ãmi. Ch mena seeto yh warinuu,” Dio ɻmurecoopu ch caíro

jā caapiwʉ. Tí paʉ cāno ūtaʉpʉ Dio cʉ cāni paʉpʉ Jesucristo mena jā cāmʉ. Nipetirijere jā catʉjʉwʉ. To bairo caroaro catʉjʉricarā aniri cariape mʉjaare jā ī buio.

¹⁹ Dio ye quetire cabuioricarā tirʉmʉpʉ macana na caĩ ucarica wamere, “Jocarā mee caññupa,” jā ī maji. To bairi na ye na caucariquere caroaro apipajeeya mʉja quena. Apipajeerā Dio yere caroaro camajirā mʉja anigarā mʉja quena. Aperā maca ati yepa macana Diore camajiquēna āma. To bairi cʉ ye quetire cajooyupi Dio, camaja tierie na majiato ī. To bairi tirʉmʉpʉ macana na caucañariquere buenucuri apipajeenucuña mʉja quena.

²⁰⁻²¹ Ocōo bairi wame caroaro tʉgooña majiñā: Dio ye quetire cabuioricarā ānana na majuuna tʉgooñari, “Dio ye quetire yʉ buiogʉ,” caĩ majiquējupa. Dio Espíritu Santo maca Dio ye quetire na caucapere na camajioñupi. To bairi jīcaʉ mácana Dio ye quetire tirʉmʉpʉ macana na caucariquere mari majuuna ricati wame, “Ocōo bairo maca īgaro ī,” mari ī majiquēe.

2

Los que enseñan mentiras (Jud 4-13)

¹ Tirʉmʉpʉ cariape Dio ye quetire cabuioricarā na cāníba ojoroquena aperā caïto pairā cāñuparā, “Dio ye quetire cabuiorā jā ā,” camajare caitorā. Tirʉmʉpʉ na cānatore bairona caitorā anigarāma yucʉ quenare mʉja watoapʉ. Cariape macaje cabuiorāre bairo caitorije macare buiotogarāma. “Caïto pairā āma. Cariape me ā na ya wame,”

m̄ja caĩ majiquêtona ïtorica wame m̄jaare buiogarãma. To bairo buiotorã cariape macaje Jesu ye quetire camaja na t̄gooña mawijiao joroque átigarãma. Mari ɻupa Jesu caroorije na cátiere c̄a cawapayebojariquere booquêema. To bairi na majuuna na cabai botiorije wapa yoaro mee na recôaḡumi Dio.

² To bairo cabuiotorã rooro na cátí aniere penigarãma camaja capãarã, nare bairo áti ɻagarã. Rooro na cátí aniere t̄jurã aperã quena Cristo ye quetire ï epegarãma.

³ To bairi m̄jaare caĩ buiotorã m̄ja ye jeegarãma, seeto apeye uniere ɻgoobana. Cajugoyep̄na tirum̄p̄ caroorije na cátipe majicõaric̄mi Dio mere. To bairi na popiyeyeḡumi Dio. Na cãniparo jugoyep̄na, “To bairo cãnare seeto na yã popiyeyeḡ,” caĩ buio jugoyeyeyupi Dio mere.

⁴ Tirum̄p̄re Dio t̄ macana ángel maja cãre cabai botiorã quenare caroorã ya paup̄ canaitilarop̄ na careyup̄ Dio. Top̄na nare cabia cûcõañup̄. Caberop̄ cãre na cabai botiorique wapa na popiyeye majuucõaḡumi Dio.

⁵ Tirum̄p̄ quenare ati yepa ruã cãre caapipajeequêna na careyup̄ Dio. To bairo ruubaop̄cana Noére c̄a canetoo catioyup̄. Noé camajare na caĩ buionucubajup̄. “Caroorijere áti janaña, caroa macare ája,” nare caibajup̄. C̄a cabuiorijere caapigaquêjuparã. To bairo na caapipajegaquêto t̄juã Noé jetore c̄a canetoo catioyup̄ Dio yua. To bairi Noé jetore, c̄a n̄mo mena, c̄a punaa itiarã, na n̄moa menare na canetoo catioyup̄ Dio ocho majuure.

6 To bairona Sodoma, Gomora cawamecāti macari macanare, “Ñuuquēema,” ñiri na cajoe re peticōañupu Dio. Na rerí, “To bairona na átigumi Dio caroorā nipetirā na bero macana quenare, camaja na ñ tagooña majiato,” cañupu Dio, Sodoma, Gomora macanare na rei.

7-8 Na rebaopucuna jīcañuare Lote cawamecāture cu cabuti rotiyupu Dio, cu catiato ñi. Lote maca caroorā tūpua to bairona anicōari caroorije na cáti epenucuriye tūju quepe, Dio cu cabooquētiere na cáti netoro tūjubacu to cānacā rūmu catagooñarique painucuñupu.

9 To bairona caroare caboorāre popiye na catam̄oro na netoo majimi Dio. Caroorā macare na popiyeyegumi camajare na cu cabejeri pañu cānopu.

10 Na majuuna na caboori wamere caroorije na cáti eperiye cátinucurā quenare, uparāre cabai botiorā quenare seeto na popiyeyegumi Dio. Naa, “Jā majuuna jā cátigari wame jā átigarā,” ñrā, Dio cu cacūricarā camajare carotirāre na ñ epe botioma, na nucubuqoquetiri.

11 Dio tu macana ángel maja maca to bairona cañorā netoro caroti majirā anibaopuñana rooro na cabairijere Diopure wada paiquēema. “Roro na cátie wapa, na popiyeyeya,” ñ punijiniquēema ángel maja maca Diore.

12 Cañorijere cabuio teñarā maca waibucurāre bairo catagooñarique mana ãma naa. Dio yere camajiquēna anibaopuñana, “Jāa jā maji majuucōa. M̄jaa m̄ja majiquē,” ñ epenucuma Dio ye quetire caapipajee majuurā macare. To bairi

waibucchrāre camaja nare na cajlarore bairona na regumi Dio caitorā quenare.

¹³ Na popiyeyegumi Dio, aperāre rooro na cátie wapa. Ocōo bairo áama ïtoriquere cabuio teñarā: Namipure rooro átiri, umureco quenare paaquetiri rooro na cátigarije áti warinūuma. Cañuuquēna majuu áma. Muja caneñapo boje ugardo Diore caapipajeerāre bairona baitori muja mena neñapo ugancuma na quena. To bairi na bapa cátiqueticōña, nare bairo rooro mari baire ñrā.

¹⁴ Cāromiare na tujucōari, caroorije na átigama, caroorije áti janagaquetiri. Caroare cátí ocabutiquēnare na ocajānucuma, na quena caroorije na áparo ñrā. Apeye uniere boo neto majuucōama. To bairi aperā yere seeto jee majima ïtorique mena. To bairo rooro majuu na cátinucuriye wapa na popiyeyegumi Dio.

¹⁵ Cariape macaje Dio yere apigaquetibana apeye jeto t̄gooñanucuma. To bairo t̄gooñari Balāa, tirumupu macacu Beor macu cū cátatore bairona áama. Balāa caroori wame cátigabajupu, niyeru wapatagū. To bairi burra bui capeja aájupu, caroori wame átii aácu.

¹⁶ To bairo cū cátó t̄juri burra cū yao cūre caumaona cū caí tutiyupo. Burra cawada majiquēco anibaopucona cawadayupo Balāare Dio cū cawada rotiro. To bairi burra camajocure bairona, “Átiqueticōña,” Balāare cū co caíro apiri dope bairo caroori wame cū cátiboriquere cátí majiquējupu yua.

¹⁷ To bairi, “Caitorā ãnama,” na ñ majiquēema camaja yucu quenare. “Na mena macana jā anigarā,

wariñuugarã,” camaja na cañrije to anibao joroquena wariñuuquetigarãma nare na caapiçjaata. Caroorã ya paçpã canaitilaro majuupã Dio cã careparã ãma mere.

18 Cañto pairã cañña maniere ñinucuma, “Caroaro camajirã jã ã,” cañrã anibaopñana. Na majuuna rooro na cátigarijere áti rotima aperã quenare. “To bairo ána mœja ani wariñuugarã,” ñtonucuma. To bairo na cañrijere apirã noa caroorije cátí ñjagarã na cawadarijere apima. Jícaarã Jesu ye quetire cawama apirã quena na apima cañtorãre. Cañtorã macare apiçjari caroorije áti anicõama moquena. Cañuuquëtiere na cajanabatajere áticõa aninucugama moquena, na apibana.

19 Ape wame ocõo bairo ñinucuma cañtorã: “Järe bairo ána mœja quena mœja majuuna mœja cabooro mœja áti majigarã,” ñtonucuma jocarãna. “Noo jã caboori wame jã áti maji,” cañrã anibaopñana caroorije jeto áti majima. Caroare áti majiquëema. To bairona cãna caroorije jeto cátí jana majiquëna to bairona cãna anicõagarãma.

20 Jícaarã mari Ùpaú Jesucristo, marire canetoo catioñ cãniere majiri, ati yepa macana caroorije na cátinucurijere bairo cátí janarã ãma bairã púa. To bairo cabairã cabero moquena caroorije na cátí ñjanemoata cajugoyepña na cãnato netobujaro rooro majuu ani ñjagarãma.

21 Dio yere camajiricarã anibaopñana cabero na majuuna majiriticoapa yua. Majiriticõari, to bairona bai botionucuma moquena. Caroa wamere Dio cã carotirique camajiricarã anibaopñana apipajeequetinucuma. Nemoona na camajiquëpata ñuuboricaro. Yucura netoro na

popiyeyeḡami Dio na caapipajeequētie wapa.

²² Roorije átinemogama moquena. To bairo átinemobana camaja na cabuionucuri wamere bairona bainucuma. Ocōo bairi wame īma camaja: “Yai c̄ cam̄ño cūriquerena tunu ḫga bapoocōami moquena. Yeje quenare camaja caroaro c̄ na caujuurije to nibao joroquena caroori rap̄ jeto ujacōami moquena.” To bairona yai, yeje na cátore bairona áama camaja Dio yere caapibatana. Dio yere apibana quena netobujaro caroorije átiganucuma moquena.

3

La venida del Señor

¹ Ȳa yarā, ȳa camairā, atie m̄jaare ȳa caqueti joo bapoorije ã ati p̄ūro. Cajugoye macá p̄ūurore ȳa caqueti joow̄a. Ati p̄ūro quenare m̄jaare ȳa queti joo, Dio ye quetire cariape jeto na t̄ugooñaato ñi.

² Dio ye quetire cabuioricarā tirum̄p̄u macana na ye queti buioriquere t̄ugooñaña moquena. Mari Upañ marire cacatioñ, c̄ carotirique quenare t̄ugooñaña moquena. Jāa c̄ cabue jugoeparā tiere jā cabuiow̄a c̄ carotiriquere. To bairi tiere m̄jaare jā cabuio netoriquere majiritiqueticōaña.

³ Ati wamere caroaro majuu t̄ugooña ḫjaya: Ati yepa capetiparo jugoyeacāp̄u Dio yere seeto cañ eperā anigarāma. Na majuuna caroorije na cátigari wame jeto átigarāma.

⁴ Ocōo bairo ī epegarāma: “¿Noop̄a c̄ ãti, ‘Ȳa tunu atígh̄,’ cañic̄? Tunu atíquēc̄umi. Tirum̄p̄u mari ñic̄ jāa na cāna ȳteap̄na cabairique na cabai

yajiro bero quenare to bairona anicõa aninucu. Ñee wajoaqueée. Ati yepa nemoo to cãni jugori paã cãnjere bairona anicõa. To bairi tunu atíquẽcumi,” ï epegarãma.

⁵ To bairo ïrã, ocõo bairije tãgootagaqueéema: Tirãmãpã Dio, “To ãmaro,” ïri ati yepare, ati umãrecoo quenare carupeoyupi Dio. Cã carotiro yepa oco pupeapã cãnaje cabuiayupa. “Oco ricati jeto to tuaato,” ïri ati yepa macajere caquenoõupi Dio.

⁶ Cabero ati yepare Dio cã caruuro ati yepapã cãnibatana carua yaji peticoajuparã. To bairo áti recõari ati yepa jícani catunu wajoayupi Dio.

⁷ Cã cawajoaricaro bero ati umãrecoo to bairona anicõa mai Dio cã carotiro. To bairo rotibaopãcuna nipetiro macajere caberopã regãmi moquena pero mena. Cûre canãcabugóquenare, “Mere mahaare yã popiyeyegã,” cã cañri rumã cãnopã to bairona na regãmi Dio moquena.

⁸ To bairi yã camairã, atiere tãgootaňa: Mari Upã Dio patawãcaquẽemi ati umãrecoore cã cawajoanemopere. Mil cãnacã cuma yoaro majuu yubaopãcuna jíca rãmure bairona tãgootaumi cã cayuuri jere.

⁹ To bairi, “Yoaro majuu cã cañriquere átiquẽemi Dio, requẽcumi yua,” ï tãgootabapa camaja jícaarã. Jocarãna to bairije ï tãgootabama. Camajare na bopaca tãjari nemoona requẽemi Dio mai. Jíca macare rocagaqueéemi. Nipetirã caroorije na cátierie na catãgootarique pairo, na cawajoaro boomi Dio. To bairi cã catunu atíparo jugoye caroorije na cátie, na catãgootarije na wajoato ïi

yoaro yuumi Dio. Nare rooro ch capopiyeyepe patawācaquēemi.

10 To bairi mari Ʉpah Jesu, “To cōoph tunu atíghmi,” mari ï majiquēe. Jee rutiri majochre, “To capah majuu atíghmi,” ch mari caĩ majiquētore bairona tunu atíghmi Jesu. Jesu ch cáató uwioro cabairije cabujuriye mena umhrecoo regaro. Nipetiro umhrecooph cabujurā quena û regarāma. Ati yepa quena, ato macaje nipetiro camaja na cátie nipetiro û regaro yua.

11 To bairona, “Dio ati yepa macajere reghmi,” ï majirā Dio ch caboorije caroare cátinucurā âñā.

12 Dio to bairo ch cawajoapere waríñuuriqe mena thujjoya. “Yoaro mee mari Ʉpah tunu atíghmi,” ï thgooñari ch caboorije ája. Ti rhmh cāno ati umhrecoo macaje û regaro.

13 To bairona cauwiorije cānipe to cānibao jorouena, mari maca, “Cañuuquētiere yh wajoagh,” Dio ch caĩ cūriquere mari yuu thgooña waríñu. Cawama umhrecoo, cawama yepa anigaro. Ti pah cāno caroarā, cañuuriye cána jeto anigarāma.

14 To bairi yh camairā, cawama umhrecoo, cawama yepa quenare cathgooña yuurā aniri caroare áticōa aninucu ocabutiya mhja quena. To bairo mhja cátó caroaro cānare mhja bhga ejaghmi Jesucristo, tunu ejah. Caroorije mana, cabai bui chtiquēnare mhja bhga ejaghmi caroaro mhja cáticōa ocabutiata.

15 To bairi caroaro majiñā. Mari Ʉpah Jesu quepequēemi, aperā quena, “Caroorije yh cátajere yhre majiritoya,” yh na ïato ñi. To bairona caĩ buioyupi mari yh Pablo, mari camaii, mhjaare

queti joꝝ. Dio cꝝ camajirije jꝝgori mꝝjaare caqueti jooyupi Pablo ti wamere.

¹⁶ Cꝝ cauca queti jooro cānacā ni to bairo jeto caī buionucuñupi ati wamere ati yepare Dio cꝝ cawajoapere. To bairo queti joobaopꝝcuna jīca wameri camajiriori wameri caīñupi. Ti wame uno cꝝ caīriquere apirā jīcaarā caroaro camajiquēna, caapipajee ocabutiquēna maca, “Ricati īgu īcumi Pablo,” mꝝjaare ītoma, api mawijiabana. Ap-eye Dio ye queti ucarique nipetirije na cabuerijje to bairona ricati ītoma. To bairo ricati na caī buitorique wapa na regūmi Dio.

¹⁷ Yꝝ yarā, mere mꝝjaare yꝝ queti buiowꝝ jo-carāna, “Dio yere cariape jā ī buio maji,” caītorā na cānipere. To bairi caroaro t̄gooña majiñā ati wamere, caroorā Diore cabai botiorā na caītorije macare mari apipajeere īrā. Cariape macajere apipajecōa aninucuña.

¹⁸ Mari Ḫpaꝝ Jesucristo marire canetoo catiōn caroaro marire cꝝ cátibojarijere t̄gooñanemoña. Cꝝ cāniere t̄gooña majinemoña. To cānacā r̄mꝝ netobꝝjaro cꝝ cāniere majinemoña. Yuchacā, to cānacā r̄mꝝ quenare caroaro cāre mari wariñuu nucubugocōa aninucurā. Wariñuurique cūre mari joocōa aninucurā.

To cōona ã. Amén.

Dio Wadarique New Testament in Tatuyo

copyright © 2009 Wycliffe Bible Translators, Inc.

Language: (Tatuyo)

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tatuyo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files
dated 29 Jan 2022
567a3a55-fb71-5739-897d-feb9b547d57b